
"Turon odob-ilm" хусусий мактабида туман ҳокимлиги билан биргаликда ўқувчиларни касбга йўналтириш мақсадида интенсив балиқчилик учун махсус ҳовузлар ташкил қилинди

Шу йилнинг 20 январь куни Президентимиз Шавкат Мирзиёев раислигида мактабларда хорижий тиллар ва касб ўргатиш тизимини ривожлантириш масалаларига бағишилаб ўтказилган йиғилишда мамлакатимиз таълим муассасаларида хорижий тилларни ўқитиш сифатини ошириш ва ўқувчиларни касбга йўналтириш масалалари кенг мухокама қилинган эди.

Ёшларни касб ўрганишга қизиқтириш мақсадида мутасаддилар олдига таълим муассасаларида касб-хунар устахоналари ташкил этиш, уларни жиҳозлаш ва зарур ашёлар билан таъминлаш вазифаси қўйилди.

Бу борада Фурқат туманидаги таълим масканларида ҳам қатор чора-тадбирлар амалга оширилмоқда.

Хусусан, туманнинг Янги маҳалласида жойлашган "Turon odob-ilm" хусусий мактабида туман ҳокимлиги билан биргаликда интенсив балиқчилик учун махсус ҳовузлар ташкил қилиниб, ўқувчиларни касб-хунарга тайёрлаш йўлга қўйилди. Бу ерда ўқувчилар дарс машғулотларидан бўш вақтларида турли касблар сир асрорларини ўрганмоқдалар.

2023-05-06 12:12:09